

Allannguutissatut siunnersuut

uunga

**Uunga siunnersuut: Najukkani aatsitassanut tunngasunik suliaqarnerit pillugit
Inatsisartut inatsisaat**

Aappassaaneerinissamut Naalakkersuisunit saqqummiunneqartoq:

§ 5-imut

1. § 5, imm. 2, imatut oqaasertalerneqarpoq:

” *Imm. 2.* Najukkani aatsitassanut tunngasunik suliaqarnerit paasineqassaaq ingerlatassat, allap matusinissamut pilersaarummik, takuuk § 25, piviusunngortitsineranut aningaasartuutissat missingersorneqartut, assartuussinermut aningaasartuutit ilanngunnagit, annerpaamik 250.000 koruuniullutik.”

§ 6-imut

2. § 6, imm. 2, imatut oqaasertalerneqarpoq:

” *Imm. 2.* Kapitali manna malillugu aatsitassanik katersisinnaanermi, paaasinnaanermi imaluunniit anissisinnaanermi aatsitassat, uranimik il. il., misissueqqaarnermut, ujaasinermut paaanermullu inerteqquteqarneq pillugu Inatsisartut inatsisaat malillugu, paaarneqarnissaat inerteqqutaasut, pineqartunut ilaatinneqanngillat”

§ 13-imut

3. § 13, imm. 1, imatut oqaasertalerneqarpoq:

” Naalakkersuisut sumiiffimmut erseqqinnerusumik killissalerneqartumut, atugassarititaasut erseqqinnerusumik aalajangersagaasut tunngavigalugit najukkami aatsitassanut tunngasunik suliaqarnissamut kisermaassisussaataalluni akuersissummik tunniussisnaapput. Akuersissummi ilaatinneqarput aatsitassarsiorluni misissueq aamma aatsitassanik tamaginnik paaaneq, aatsitassat, uranimik il. il., misissueqqaarnermut, ujaasinermut paaanermullu inerteqquteqarneq pillugu Inatsisartut inatsisaat malillugu paaarneqarnissaat inerteqqutaasut, ilaanatik.”

§ 32-mut

4. § 32, imm. 2, imatut oqaasertalerneqarpoq:

UPA2024/25

INAIANN suliap nr.: 2023-13241

” *Imm. 2.* Naalakkersuisut akuersissuteqarneq aamma Inatsisartut inatsisaanni siunertamut aalajangersakkanullu allanut naapertuuttumik akuersissuteqarneq malillugu ingerlatassat pillugit pissutsit attuumassuteqartut tamaasa pillugit aalajangersakkanik atugassarititaasunillu aalajangersaasinnaapput, ilanngullugit atortussanut akuersissuteqarneq malillugu ingerlatassat immikkut akuersissuteqarfigineqartariaqartut kiisalu kapitali 4-mi aamma 10-mi aalajangersakkat atorneqarsinnaallutik.”

Allannguutissatut siunnersuummut nassuiaatit

Nassuiaatit nalinginnaasut

Allannguutissatut siunnersuummi siunertaavoq, allannguutit najukkani aatsitassanut tunngasunik suliaqarnerit pillugit Inatsisartut inatsisaannut siunnersuutip aappassaaneerneqarnissaanut ataatsimiititaliap isumaliutissiissutaani Inuussutissarsiornermut Aatsitassanullu Ataatsimiititaliamit siunnersuutigineqartut, ilanngunneqarnissaat.

Allannguutissatut siunnersuummi aalajangersakkanut ataasiakkaanut nassuiaatit

Nr. 1-imut

Allannguutissatut siunnersuummi nr. 1 malillugu aalajangersarneqarpoq, matusinissamut aningaasartuutissanut missingersorneqartunut 250.000 koruuninik killiliinermi, suliaasaq najukkani aatsitassanut tunngasunik suliaqarnissamut kisermaassisussaatitaalluni akuersissutit pillugit siunnersuummi kapitali 3-mi maleruagassani pineqartunut ilaatinneqassappat, taassuma qanoq annertutiginissaanut killissaliunneqartumi, matusinermut ingerlatassanut atatillugu assartuussinermut aningaasartuutissat pineqartunut ilaatinneqanngitsut.

Assartuussinermut aningaasartuutit tassaassapput aningaasartuutissat, pigisat allallu atortussat, sumiiffimmit akuersissuteqarfiusumit peerneqartussat, sumiiffimmit akuersissuteqarfiusumit sumiiffimmut pigisat imaluunniit atortussat pisinnaatitsissummik pigisaqartumiit allamut tunniunneqarfissaannut, iginneqartussanngorlugit imaluunniit tuniniarneqartussanngorlugit imaluunniit pisinnaatitsissummik pigisaqartup pigisat imaluunniit atortussat kingusinnerusukkut atorneqartussatut inissimatinnissaat aalajangiullugu, assartuinnermut atasut.

Assartuussinermut aningaasartuutit taaguut nalinginnaasumik tassunga tunngasutut nassuiarneqassaaq. Assartuussinermut aningaasartuutissat taamaallaat tassaapput assartuussinerniamut aningaasartuutit, tassa imaappoq, assersuutigalugu immikkut maskiinamik, assersuutigalugu angallatip usingiarnissaanut kranimik, attartornermut aningaasartuutit assartuussinermut aningaasartuutissanut naatsorsuinnermi

ilanngunneqassanngillat, kisianni 250.000 koruunini, najukkami aatsitassanut tunngasunik suliaqarnissamut kisermaassisussaatitaalluni akuersissut qaqugukkut piiaanissamut akuersissummut, aatsitassanut tunngasunik suliaqarneq pillugu Inatsisartut inatsisaat malillugu maleruagassiivigineqartumut, ikaarsaartinneqassanersoq, aningaasartaanni killissaliunneqartumi, ilaalluni.

Allannguut oqartussat aningaasartuuteqarnerulernerannik malitseqarsinnaavoq, tassami pisinnaatitsissummik pigisaqartup saliinissani sumiginnarlugu pisoqartillugu, saliinissamut aningaasartuutit nunap karsianit akilerneqartussaassammata. Pisuni taamaattuni 250.000 koruunit saniatigut, assartuussinermut immikkut aningaasartuutissat nunap karsianut nanertuisussaapput.

Nr. 2-mut

Allannguutissatut siunnersuutigineqartumi erseqqissarneqarpoq, aatsitassat qinngornernik ulorianartunik akullit siunnersuummi kapitali 2-mi pineqartunut ilaanngitsut, tassaasut aatsitassat uranimik il. il., misissueqqaarnermut, ujaasinermit piiaanermullu inerteqquteqarneq pillugu Inatsisartut inatsisaanni pineqartunut ilaasut.

Nr. 3-mut

Allannguutissatut siunnersuutigineqartumi erseqqissarneqarpoq, aatsitassat qinngornernik ulorianartunik akullit najukkani aatsitassanut tunngasunik suliaqarnissamut kisermaassisussaatitaalluni akuersissutini pineqartunut ilaatinneqanngitsut, tassaasut aatsitassat uranimik il. il., misissueqqaarnermut, ujaasinermit piiaanermullu inerteqquteqarneq pillugu Inatsisartut inatsisaanni pineqartunut ilaatinneqartut.

Nr. 4-mut

Allannguummi naqinnerlutaq iluarsineqarpoq. Siusinnerusukkut avatangiisinik ajoqusiineq aamma avatangiisinut akisussaaffik pillugit siunnersuummi kapitali 9-mut innersuussisoqarpoq. Innersuussineq eqqortoq, aamma siunnersuummut nassuiaatini allasimasoq, tassaavoq Inuiaqatigiinni piujuaannartitsisumik ingerlatsinermit naliliineq (VSB) aamma avatangiisinik nalilersuineq (VVM) pillugit siunnersuummi kapitali 10. Avatangiisinik ajoqusiineq aamma avatangiisinut akisussaaffik pillugit siunnersuummi kapitali 9 pisuni tamaginni atortussanut akuersissuteqarnermut atuuttussaavoq.